



Христост иткдг Тесалоникин улст илгэсн хойрдгч бичг

Нүр үг

Христосиг хэрү ирх гисн зэнг Тесалоникид бээх чонжин төвкнүн бээдл болн диг-дараг эвджэв. Христос хойрдад ирв гисн хэлэцин тускар Павелын хойрдгч бичгт бичэтэ. «Килнцин күн» гидг нертэ нуувчар бээсн күүнэ хардврар Христос ирхин өмн хар санлһн улм өсх гиж темдг-лэд, Павел эн хэлэцэн чиклжэнэ. Тер күн Христосин өмнэс сөрлт кех.

Эн бичгин умшачнр түрү-зүдү юмнла харһв чигн, итклдэн бат болж, Павелыг болн терүнэ көдлэчнриг дураһад бийэн теткх, цаһан санаһан цаарандан эмтнд күртэх зөвтэ гиж апостол темдглжэнэ.

Учр-утхин зура

Нүр үг 1.1–2

Магтал болн буульһн 1.3–12

Христосин ирлһнэ туск ном 2.1–17

Христианмудын зангин тускар 3.1–15

Товчлгч үг 3.16–18

1 Тесалоникид бээх Бурхн-Эцкин болн Деед Эзн Исус Христосин иткдг улст Павелас, Силас болн Тимофейэс. ²Бурхн мана Эцк болн Деед Эзн Исус Христос таднд цаһан сана болн төвкнүн бээдл өгтхэ.

Бурхна зарһ күлэлһн

³Ахнр-дүүнр, бидн кезэ чигн тадна төлэ Бурхнд ханлтан өргх йоставидн. Тернь чик, яһад гихлэ, тадн Бурхнд улм иткэд, нег-негндөн улм икэр дурлжанат. ⁴Тиигэд талдан һазрт бээдг

Бурхнд иткдг улс дунд тана тесврин болн көөгджэсн, күнд-түрү даажах цагт харьжаах итклин тускар бидн омгтаһар буульनावидн. ⁵Энтн цугтан Бурхна чик зарһ бөөснэ темдг. Аштнь тадниг Бурхн Эврәннь орнд бээх дүнгэ улс гиж тоолх. Ода тадн Бурхна орна төлө зовлң үзжәнэт. ⁶Бурхн үннч. Тиигэд таднд зовлң үзүлжэх күүг зовлңла харһулх. ⁷Тиим зовлң үзжэсн таднд болн маднд Бурхн төвкнүн бээдл өгх. Тиим бээдл Деед Эзн Исус күчтэ Бурхна элчнрлэ хамдан теңгрэс асжаах һалын зальд үзгдхлэ, тиигэд учрх. ⁸Бурхиг холжасн болн мана Деед Эзн Исус Сән Зәнг эс авчаа улсиг тер засглх. ⁹Тедн мөнк үклд тусх. Тиигэд оньдинд Деед Эзнэ болн Терүнэ күчтэ алдрас тер улс салһгдх. ¹⁰Иим йовдл Деед Эзн ирх өдр болх. Бурхнд иткэд церглжэх улсас туурмж болн күндлһ авхар Тер ирх. Тер тоод тадн бас бээхит. Яһад гихлэ, тадн мана келснд итклэт. ¹¹Бидн кезэ чигн тана төлө зальвранавидн. Тадниг Бурхн дуудсн жирһлэ ирлцжәнэ гиж тоолх. Бурхн Эврәннь күчэрн сән йовдл кех седвэр өгх. Тадна иткл дамжад тана кежэсн тоотыг цугтаһинь Бурхн күцэх, гиж бидн зальвржанавидн. ¹²Тегэд Мана Бурхна болн Деед Эзн Исус Христосин хээрлтэр Деед Эзн Исусин нерн таднас туургдад, тадн болхла, Терүнэс туургдх болхит.

Бурхна зака эвджэх күн

2 Ахнр-дүүнр, Деед Эзн Исус Христос ирлһнэ тускар болн мадна Терүнлэ харһлтын тускар болхла, би тадниг эржәнэв: ²Тадн аэлдхлин үгэс, зәнгэс болн мана бичсн бичг кевтэ бичгэс Деед Эзнэ өдр ирв гиж соңсхларн, бичэ адһж үүмтн, бичэ седклэрн зовтн. ³Тадниг ямаран чигн кевэр бичэ меклтхэ. Бурхна өмнэс буцлт эс болтл, мөнк һалд йилһгдэд, Бурхна зака эвджэх күн эс иртл, тер өдр иршго юмн. ⁴Тертн Бурхн гиж нерэдсн тоотд, терүнд шүтсн тоотд өшөтн болх. Түүнэс даву бийән теднэс үлүд тоолад, һол сүмд орж орм эзлэд: «Би, Бурхмб!» – гиж келх. ⁵Танад бээхдэн мини энүнэ тускар келсиг мартчквт? ⁶Ода эн күүг юн бэржэхинь тадн меджәнэт. Энтн эврәннь цагтан ирх. ⁷Болв зака эвдлһнэ нуувч күцөгджәнэ. Бэржэх юмн эс авгдтл учрх юмн учршго. ⁸Тиигхлэ зака эвджэх күн бийән үзүлх. Болв Деед Эзн Исус ирлһнд терүг нег дэж үлөһэд алх. Исус Христосин бөөлһн терүг уга кех. ⁹Бурхна зака эвджэх күн эрлгин йоста ирх. Тер күн ик чидл үзүлэд, худл өвөрц юм болн

онц темдг үзүлх. ¹⁰Үкх эмтнэ төлө тер зүсн-зүүл мек харх. Тедн аврлтын төлө үнд эс итксндөн болн эс дурлсндан үкцхэх. ¹¹Бурхн үкх эмтнд эндү харһдг юм илгэх. Тиигэд тедн худлд иткх. ¹²Тиигэд үнниг эс иткэд килнц таасжахинь Бурхн цаажлх

Тадн аврлтын төлө шүүж авгдвт

¹³Деед Эзнэ дурлсн ахнр-дүүнр, тадна төлө бидн Бурхнд оньдинд ханлтан өргх йоставидн. Яһад гихлэ, Бурхн тадниг Сәкүснэ әрүллһнә кәдлмшәр болн үнд итксәр дамжад хамгин түрүнд аврхар шүүж авв. ¹⁴Мана цәәлһсн Сән Зәнг дамжад Бурхн тадниг Терүнә төлө болн мана Деед Эзн Исус Христосин туурмжиг хувалцтха гиж дуудв. ¹⁵Тиигэд, ахнр-дүүнр, батар бәәһәд, мана дасхсн тоотыг үгәр болн бичгәр дамжад итктн. ¹⁶⁻¹⁷Маднд дурлад, бат ишлт, мөнк төвкнүлт хәәртәр өгсн мана Деед Эзн Исус Христос болн Бурхн мана Эцк тадна зүрк тогтнулад, тадниг сән йовдлмуд харһж, сән үг келүләд батлх болтха!

Мана төлө зальвртн

З Ахнр-дүүнр, аш сүүлднь, мана төлө зальвртн. Деед Эзнэ үг цаарандан чигн шулун тарад, тадн дунд туурсн әдләр тууртха гиж зальвртн. ²Таарш уга болн хорга улсас мадниг сулдххин төлө зальвртн. Сән Зәнгд зәрмнь иткхш. ³Деед Эзнд нәәлж болжана. Тер таниг батраһад, әрлгәс харсж авх. ⁴Деед Эзн мадниг таднд иткүлж, мана закжасиг цугинь күцәһәд, цааранднь чигн күцәхит гиж ицжәнәвидн. ⁵Деед Эзн таднд Бурхна дур болн Христосин теслт күртәтхә гиж би зальвржанав.

Кәдлми кех кергтә

⁶Деед Эзн Исус Христосин нерн деерәс, ахнр-дүүнр, бидн таднд иигж закжанавидн: залху болн мана өгсн номар эс бәәх күүнлә бичә үүрлтн. ⁷Маднас үлгүр авад яһж бәәхинь тадн эврән меднәт. Танад бәәхдән бидн залхурж цаган давулсн угавидн. ⁸Күүнә мөңг-әдлврәр бас бәәсн угавидн. Бидн күүнд ацан болшгоһар седәд, нам өдр сә уга шунж кәдлвидн. ⁹Бидн таднас күццднь дөң авч чадх бийнь, таднд үлгүр үзүлхәр тиигж бәәләвидн. ¹⁰Танад бәәхдән бидн «эс кәдлхәр седсн күүнд, хот бичә өгтн» гиж келдг биләвидн. ¹¹Болв тадн дунд бәәх зәрм залху улс

мел кәдлхәр сөдхш. Төдн күүнә кергт орлцна! ¹²Дөдд Эзн Исус Христосин нерн дөддөс тиим улсиг бидн чиктән бөөһөд, эврәнн теткврин мөңг экләд олтн гиж закад, өмнәснь хөржөнө-видн. ¹³Тадн болхла, ахнр-дүүнр, цуцрлт угаһар әмтнд сә кеж йовтн. ¹⁴Эн бичгт өгчөх заквр эс авчәх улст шишлң оньган өг-цхәтн. Эврәнн бөөдләс ичдгәр, тиим күүнлә бичә үүрлтн. ¹⁵Зуг тиим күүг эврәнн дөөсн гиж бичә тоолтн. Төдүг эврәнн дүүлә әдл хөртн.

Ашлгч үгмүд

¹⁶Мана Эвин булг – Дөдд Эзн танд төвкнүн бөөдл кезә чигн юунд болвчн учратха. Дөдд Эзн таднла оньдин бөөтхә! ¹⁷«Павелас менд!» бичг болһнәнн чилгчәр би һаран тәвжәнөв. ¹⁸Дөдд Эзн Исус Христос таниг цугтаһитн хөөрлтхә!